

«Տեղեկագիր հարստահարութեանց» Օսմանյան կայսրության հայաբնակ գավառների վերաբերյալ

Գինոսյան Ն. Լ.

ԵՊՀ, Թյուրքագիտության ամբիոն, պատմական գիտությունների թեկնածու, դոցենտ,
ՀՀ ԳԱԱ պատմության ինստիտուտ (Երևան, Հայաստան)
naira.ginosyan@ysu.am

Վճռորոշ բառեր՝ Արևմտահայություն, Օսմանյան կայսրություն, անօրինականություն, մահմեդական տարրեր, դավանափոխություն, հարկատեսակներ, կոտորած:

Ведомость об угнетенном положении западных армян и о насилии и бесчинствах, которым они подвергались в Османской империи

Гиносян Н. Л.

ЕГУ, Кафедра тюркологии, к.,и.,н., доцент
Институт истории НАН РА (Ереван, Армения)
naira.ginosyan@ysu.am

Аннотация: При поддержке османских властей, курдские аширеты, черкесы, другие мусульманские элементы заселяли армянские районы и насильственно лишали армян собственных земель. Действовавшие законы шариата не давали армянам гарантий безопасности личности и неприкосновенности имущества. Они были лишены права свидетельствовать в суде, носить оружие, что делало их совершенно беззащитными, религиозные преследования и насильственная исламизация сопровождали их в течение всей жизни.

В данной публикации приводится письмо vicar церкви святого Карапета в Мусе Вардана Акопяна, адресованное британскому послу в Багеше (Битлис), о бесчинствах, которые творились в вилайетах, заселенных армянами, о всевозможных незаконных налогах, взимаемых с населения, о рабском положении земледельцев, о беззакониях, имевших место в судебной сфере. Он обращается к европейским державам с просьбой взять их под свою защиту и провести необходимые реформы.

Ключевые слова: Западные армяне, Османская империя, беззакония, мусульманские элементы, насильственная исламизация, налогообложение, резня.

Notice about the deprecated situation of western Armenians, about violence and depredations which they were exposed to in the Ottoman empire

Ginosyan N. L.

YSU, Faculty of Oriental Studies,
Institute of history of NAS RA (Yerevan, Armenia)
naira.ginosyan@ysu.am

Abstract: With the support of the Ottoman authorities, Kurdish Ashyrets, Circassians, and other Muslim representatives, settled in the Armenian regions and forcibly deprived the Armenians of their own lands. The existing Sharia laws did not give the Armenians any guarantees of personal security and inviolability of their own property. They were deprived of the right to testify in court, to carry weapons, which made them completely defenseless, religious persecution and violent Islamization accompanied them throughout their lives.

This publication contains a letter from the vicar of the church of St. Karapet in Mush, Vardan Hakobyan, addressed to the British ambassador in Baghesh (Bitlis), about the lawlessness and atrocities that occurred in vilayets settled by Armenians, about all kinds of illegal taxes levied from the population, about the slave position of farmers and about the illegality that took place in the judicial sphere. He calls on the European powers to take them under their protection and carry out the necessary reforms.

Keywords: Western Armenians, Ottoman Empire, illegality, Muslim elements, forcible islamization, taxation, massacre.

Օսմանյան կայսրությունը XX դարի սկզբին հետամնաց, բռնապետական, կայսրության տարրեր ազգերի մասսայական ջարդեր կազմակերպող երկիր էր: Բոլորովին իրականությանը չի համապատասխանում թուրք

պատմաբանների այն հայտարարությունները, թե «Թուրքերը ոչ մի ժամանակ որևէ ազգի նկատմամբ բռնություն չեն գործադրել: Ոչ մի ժամանակ թուրք տիրակալները հպատակ ազգերին չեն պարտադրել իրենց կրոնը», կամ

իրը թանգիմաթի շրջանում «Կյանքը Օսմանյան կայսրությունում բարելավված էր: Հատկապես փոփոխություն էր նկատվում օրենքի և ընդհանուր ապահովության ասպարեզում: Ունեցվածքի կամայական բռնագրավումները, դատարաններում բռնի կերպով խոստովանեցնելու համար կիրառված տանջանքներն անցյալի գիրկն էին գնացել: Քրիստոնյաները օրենքի առջև արդեն իրավահավասար էին մահմեդականների հետ և նրանց վկայությունները ընդունվում էին որոշ դատարաններում» [1, էջ 65]: Սակայն պատմական աղբյուրները և ժամանակակիցների վկայությունները հակառակն են ապացուցում: Հայերը մշտապես ենթարկվում էին բռնությունների ու հարստահարությունների: «Թուրքաց մոլեռանդությունը և աններողությունն այնչափ է, որ կրնան հայ մը ձիեն վար առնել, շուկայի և փողոցներու մէջ անտեղի պատճառով մը, կամ, ի՞նչ պետք է պատճառ. Մի՞թէ հայ լինելը բաւական պատճառ չէ՞, կը քաշեն, կը գանակոծեն: Եթէ թուրք մը բան գնած է հայէ մը, իրաւունք չունի հայն ստակ պահանջելու, եթէ վճարէ թուրքն՝ շնորհ մէ, եթէ ոչ՝ իւր իրաւունքն է» [2, էջ 162-163]: Թուրքերի կիրառած դաժանությունը պատահական չէր, այլ հատուկ և տևական: Նրանց իրավական համակարգը իր էությանը անարդար էր քրիստոնյա հպատակների հանդեպ: Մահմեդականը կարող էր առևանգել, թալանել, սպանել քրիստոնյային և մնալ անպատիժ: Քրիստոնյաների և մահմեդականների միջև եղած կրոնական խտրականությունը գնալով խորացավ և բացահայտորեն դարձավ Օսմանյան կայսրության վարած քաղաքականության հենքը: Քրդերից կազմված «համիդիե» անկանոն զորագնդերը, քաղաքային ու զինվորական իշխանությունների հրահանգներով հարձակվում էին գյուղերի վրա՝ այրում, հալածում ու կոտորում հայ բնակչությանը [3, էջ 7]: Գյուղ մտած քրդական խմբերը և այլ մահմեդական տարրերը վերցնում էին ինչ որ ցանկանային, ոմանք էլ օրենքից դուրս հարկեր հավաքում բնակչությունից: Հարկահավաքները նշանակալից ավելի ոչխարի հարկ և աշար¹ էին գանձում: Գավառների ծանր վիճակի մասին բողոքագրեր էին գրվում պատրիարքարան, օտարերկրյա դեսպաններին, հյուպատոսությունների ներկայացուցիչներին: Ստորև հրապարակում ենք Կինճի (Կինճ-գավառ Արևմտյան Հայաստանում, Բիթլիսի նահանգում) [4, էջ 140] առաջնորդական տեղապահ և Մուշի Ս. Կարապետ եկեղեցու վանահայրական փոխանորդ Վարդան Վարդապետ Հակոբյանի կազմած տեղեկագրերը Օսմանյան կայսրությունում հայերի հարկման, հարստահարման և

կրոնափոխության վերաբերյալ: Այս տեղեկագրերը հասցեագրված են Բաղեշում գտնվող Մեծ Բրիտանիայի հյուպատոսին: Այդ ժամանակ Ա. Սաֆրաստյանն աշխատել է Բաղեշի բրիտանական հյուպատոսարանում որպես թարգմանիչ:

Այս տեղեկագրում թվարկվում են հարստահարության այն ձևերը և միջոցները, որոնց ենթարկվում էր հայ բնակչությունը՝ հողային կալվածքների գրավումը, երկրագործի ստրկացած վիճակը, գյուղի աղային կամ քուրդ բեյին պարտավորված ծառայելը, հարկերի տեսակները, զեղծ հարկահավաքները, այն անօրինականությունները, որոնք կատարվում էին հարկերի նշանակման և գանձման ընթացքում, զեղծումներ կիրառված կառավարական պաշտոնյաների կողմից, երեխաների և կանանց առևանգում և բռնաբարում, բռնի մահմեդականացում: Նկարագրվում է բանտերի վիճակը, այն տանջանքները, որոնց ենթարկվում էին հայերը [5, էջ 7 շրջ.]: Այս ամենը սքողելու նպատակով կեղծ հանրագրություններ էին պատրաստում և բռնի կերպով ստիպում պաշտոնական մարմիններին ներկայացնել ուր որ պետք է և հրատարակել, թե «Երկիրը խաղաղ և անդորր է» [5]:

Տեղեկագրի մեջ խնդրում են, որ անհրաժեշտ բարեփոխումներ կատարվեն հարկման մեջ, վերանան տասնորդական և զինվորական տուրքերը (վերջինի փոխարեն միլիցիայի հաստատում), զինաթափ արվեն ոչ զինվորական իսլամ տարրերը, մանավանդ՝ քուրդ աշիրեթները², հայերից գրավված հողերի վերադարձ, բարեփոխումներ դատական ոլորտում, եվրոպական պետությունների հսկողություն հայաբնակ գավառներում և այլն [5, էջ 11 շրջ.]: Մրա հետ մեկտեղ պետք է նշել, որ հայերը փորձում էին լուծել այս հարցերը Օսմանյան կայսրության շրջանակներում, երբեք չի դրվել հարց նրանից անջատվելու կամ առանձին անկախ պետություն ստեղծելու մասին [5]: Նրանք բարեփոխումներ ու բարեկարգումներ էին պահանջում, անձի անվտանգություն, իրավունքի և ունեցվածքի անձեռնմխելիություն: Սակայն զործող օրենքները և շարիաթի նորմերը չէին կարող ապահովել հայերին նման երաշխիքներով:

Սույն փաստաթուղթը հայտնաբերել ենք Հայաստանի ազգային արխիվում (Ֆ. 412, ց. 1, գ. 1857): Կատարել ենք ուղղագրական և կետադրական որոշ շտկումներ: Անձնանուններն ու տեղանունները դարձրել ենք մեծատառ, իսկ դրանց մի մասը՝ միատեսակ: Անտեսել ենք ապաթարցի նշանը:

¹ Աշար (թրք. âşar)-տասնորդական տուրք:

² Աշիրեթ (թրք. aşiret)-քոչվոր ցեղ:

1904 թ. մայիս 15/28 Ս. Կարապետ Մշոյ

Նորին վեսմութեան
Մեծին Բրիտանիոյ
Բաղէշի հիւպատոսին
ի Մուշ
Վեսմ Տէր

Նամակիս հետ կից կը գտնէ Ձեր վեսմութեանը հայերու հարստահարութեանց և Սասունի արդի կոտորածի տեղեկագիրն անհրաժեշտ նկատուած բարենորոգումներու ծրագրովն:

Կը խնդրուի Ձեր վեսմութենէն որ բարեհաճիք հաջողութեամբ առնուլ զայն և Ձեր մեծագոր Պետութեան ներկայացնելով գրութիւն հայցիլ այս տարաբախտ ազգին վրայ որոյ կեանքն ու ստացուածքը վտանգի մէջ են, հակառակ Պերլինի վեհաժողովին 61^ա (61-րդ) յօդուածի տրամադրութեան

Ընդունիլ հաճեցէք Վեսմ Տէր մեր
յարգանքներէն
մնամ Աղօթարար
Առաջնորդական Տեղապահ
Կինճի և վանահայրական
Փոխանորդ Ս. Կարապետի Մշոյ
Վարդան Վարդապետ
Յակոբեան

Տեղեկագիր հարստահարութեանց

Հայաբնակ գաւառներու մէջ Հայերը գանազան ուղղակի կամ անուղղակի միջոցներով կը հարստահարուին տիրող տարրին կողմանէ ուստի բողոքելով մեր նպատակը չէ քաղաքական անջատում Տանկաստանի և ոչ ալ գերիշխան ըլլալու ձգտում ուրիշ ցեղերու վրայ, այլ բարենորոգումներ ու բարեկարգութիւններ պահանջելու, որպէսզի ապահովուած լինեն հայերու բռնաբարուած աշխատանքը, ինչքը, իրաւունքը պատկան ու կեանքը կը պահանջենք ազատութեան ներկայ ստրկական վիճակէն և կատարելապէս հաւասար ճանչուիլ ուրիշներուն նման:

Թուենք այժմ հարստահարութեանց այն ձևերն ու միջոցներն, որոնք ցարդ սպառնացած են մեր գոյութեան և որք իրենց թափը չեն տկարացուցած դեռ հիմայ ալ:

Հողային կայունացումներու գրաւում Գաւառաբնակ հայեր առ հասարակ հողագործ և հողատեր են եղած սկզբէն ի վեր, իսկ թուրքեր կամ քիւրտեր որոնք 40-50 տարիներ յառաջ շատ քիչ հող ունեցած էն, հետզհետէ բռնի միջոցներով կամ չնչին գումարի մը տոկոսներու բարձումներով գրաւած են հայերու հողերը. դժբաղտաբար օրենքը չի պաշտպանուած հայուն բռնաբարուած իրաւունքը, այս պատճառաւ շատ տեղեր չտոկայով իրենց դեմ ի գործ դրուած ապօրէն միջոցներուն, գիւղացին ստիպուած է կամովին թողուլ իր հողերն, որոնք

տոկոս առ տոկոս կանցնեն թուրքերուն կամ քիւրտ աղաներուն ձեռքը, որոնք մէկ մէկ ապարանք (քէօքք) շինելով գիւղերուն մէջ տիրացած են անոնց հողերուն:

Այսպէս հայ գիւղացին պարտքի տակ ընկնուած - պարտքեր որոնցմէ չազատեր - կը գրկուի իր հողերէն, զորս կը գրաւեն իր անողորմ պահանջատէրեր:

2. Երկրագործին վիճակը

Գիւղացին տնտեսական այս աննպաստ պայմաններում մէջ իր վարուցանքէն օրապահիկն անգամ չապահովէր, արդէն գիւղատնտեսութիւն ըսածը գոյութիւն չունի, այգեգործութիւնը խիստ ետ մնացած է և եթէ մասամբ մշակէ ալ արտադրութեան արժէքէն աւելի տուրք պիտի ստիպուի վճարել միայթեզիմին: Մշակութեան նման անասնաբուծութիւնն ալ չքաջալերուի, եթէ գիւղացին յաջողի անասնոց թիւը շատցնելով օգտուիլ անոնցմէ, քիչ միջոցի մէջ կամ յափշտակութեամբ կամ ապօրէն տուրքերի գանձումով կը գրկուի անոնցմէ: Երկրագործը տարապարհակ աշխատութիւններով կը վատնէ իր ժամանակը միւլթեզիմին³: Գիւղի աղային կամ քիւրտ պէյին, որոնց պարտաւորուած է ստրկաբար և առանց փոխարինութեան ծառայել, իւր գաւակի բերանէն կտրել և գանոնք ձրի կերակրել, վերջապէս երկրագործի տնտեսական կեանքը քայքայուած է, այնպէս որ եթէ երկար շունչ մը չառնի դարմանելու համար զայն սուղ ժամանակի մէջ անպատճառ կը փճանայ:

3. Հարկեր

Ժողովուրդ մը պարտական է իր տիրող պետութեան տուրքերն հատուցանել օրինական սահմանի մէջ և ստանալ ընկալագիրը սակայն զեղծ հարկահաւաքները և հաշուակալները գանձուած դրոց երեք չորրորդը կը խորին և չեն արձանագրեր կառավարութեան տօմարներուն մէջ և ոչ ալ կանոնաւոր ընկալագիր կուտան: Այսպէս, նույն պաշարները կերած կաշառքներ և խորած գումարները տարուէ տարի կը բարձուին ժողովուրդուն վրայ, որ սա չքաւորութեան կը պարտաւորի գաղթել: Հետևեալ տարին գաղթողներու տուրքը մնացածներէն բռնի կանուի, ասոր համար գիւղացիկ կը պարտաւորի թուրք կամ քիւրտ աղային դիմել և անկէ մանր տոկոսներով դրամ առնել, զորս որոշեալ պայմանաժամին վճարել չկրնալով մարապան կը լինի, իր լուծքն ու հողերը դնելով անոր տրամադրութեան տակ, և այսպէս, տարուէ տարի իր պարտքերը շատանալով հողերն ալ, անասուններն ալ կը գրաւուին աղային կողմէ: Տուրքերուն երեսէն այսօր հարիւրաւոր թուրքեր և քիւրտեր դրամատէրեր

³ Միւլթեզիմ (թրք. mültezim)-հարկահավաք:

եղած են շնորհիւ հայոց սեփական կալուածներուն: Հարկերուն տեսակներն են.

1. Տասանորդական տուրք
2. Չինուորական
3. Ոչխարի
4. Կենդանեաց (գոմէշի, եզի, ձիուն և այլ նոր հաստատուած)
5. Հողային (արագի)
6. Կալուածական (էմլաք)
7. Թէմաթթօյի⁴
8. Խճուղեաց շինուք (մէշէ)

Այս և ուրիշ տուրքեր, ժողովրդի ընդհանուր թշուառութեան միջոցներուն իսկ նորանոր յաւելումներ կը կրեն

4. Հարկահաւաքութիւն

Մինչև նախորդ տարի ոստիկաններ ու գինուորները կը հաւաքէին տուրքերն, հիմայ հատուկ հարկահաւաքիչներ նշանակուած են, տարբերութիւնը սա է որ ձեւը փոխուած է սակայն գեղծումները նորէն կը մնան: Հարկահաւաքը որոշումին գլուխն անցնելուն պէս կսկսի իր ապօրէն արարքները, երբ գիւղն կերթայ, տակաւին ձիւն վար չիջած գիւղապետն, գրագիրը և զգիրը, որոնք պատրաստ են իր մէն մի ակնարկէն չարաչար կը գանակոծէ ահաբեկելու համար գիւղը և ուզածն ընել տալու: Անմիջապէս իջևան և անկողին կը պատրաստուի իրեն և հետևորդներուն ձիերուն առատ առատ յարդ, խոտ, գարի, հոգ չէ թէ սպառած ըլլան և չգտնուին գիւղը, պարտաւոր է հիւրընկալը նույն իսկ իր ախիւրը, պլղուրը պարէնը գիւղէ գիւղ տանել և յարդ, գարի գնել բերել անոնց ձիերուն, յետոյ վայ այն հիւրընկալին որ իրենց ուզած համարում կերակուրներ և գանազան պէտքերը չը կատարէ նույն հետոյն առհասարակ անոնց կերածը հաւի միս, հաւկիթ և իւղեղեն կերակուրներ են առատ առատ, սպասաւորը պէքճին⁵ որ գիւղէնէ ամբողջ 24 ժամ գիշեր ցորեկ պատրաստ է անոնց հրամաններուն, իրենց բնական գիղեն վառելիքը, ճրագլուսը ամբողջ գիւղէն կը տրուի ճրի, որչափ որ մնան նույն գիւղը: Պահ մը հանգստանալէ ետքը, կարգը կուգայ դրամի գանձման ըստ հաճոյ մեծ գումարի մը կը պահանջեն գիւղէն և այնուհետև կսկսի պատիքներու կարգը, տանց գլխաւորները կը բանտարկեն, այր չեղած տեղը՝ կնիկները, հարսներն ալ կրերէն կը բանտարկեն, բերաններն աղը կը լեցնեն. կը թքնեն, ձմեռ ատեն ըլլայ կամ գարուն կը մերկացնեն, վրաննին պաղ ջուր կը լցնեն և կը ծեծեն, շատ անգամ կանանց պատիւը կը բռնաբարեն և վերջապէս անլուր հայիոյութիւններ թափելով, կրոնք, խաչ, պատարագ, սրբութիւն հայիոյելով ուզած գումարը ձեռք կը բերեն, անոր մեջէն ըստ

հաճոյս գումար մը իբրև կաշառք կը վերցնեն ամէն մէկ ոստիկանին ալ մէկ մէկ երկու երկու գույգ գուլպայ կստանան: Մնացեալ գումարէն ալ շատ անգամ առանց ընկալագիր մը տալու կը մեկնեն գիւղէն: Եթէ լինի որ մէկը համարձակի ըսել թէ ինչու ապօրէն կը գործէք, անոր ալ ֆէտայի (յեղափոխական) անունը կը տան և խեղճ մարդը եթէ յաջողի փախչել, իբրև քաղաքական յանցաւոր բանտը կառաջնորդուի: Շատ անգամ խեղճ գիւղացին կըսէ, կաղաղակէ. Էֆենդի ահա իմ էյմախապէս, ինձի տուրք չէ մնացեր, տուրքը լմնցեր եմ, աս ի՞նչ կուգուի, բայց լսողը ո՞վ. «վէր, սօրմա»⁶ սովորական պատասխանը կառնէ և ճարահատեալ, նորէն, ծանր պարտքերով կը գտնէ, կու տայ, ալ ու՛ր կերթայ, որու՞ կոկորդը կանգնի, ոչ որ գիտէ: Հագիւ թէ հարկահաւաքը գիւղէն կը մեկնի. ահա ուրիշ խումբ մը ոստիկան 30-40-50 հեծեալ հարիւրապետի մը կամ միլիազմի մը առաջնորդութեամբ գիւղը կը մտնէ, խեղճ գիւղացին թուրք բերանին մէջ կը ցամքի, միայն ուտելով ըլլայ, չեն կրնայ գոհացնել վերոյիշեալ պատիժներու, սոսկալին իգործ կը դնեն տնէ տուն մտնելով ամաններ կը ջարդեն Էրիկ մարդիկ առաջի կը փախչին, ձեռք ինկած կնիկներ կը ծեծեն, կը լլկեն, անոնց սնտուկներն կը ջարդեն, միջի եղածը կը կողոպտեն և վերջապէս տան գլուխ մէկը թէ կին, թէ այր կը տանեն բանտարկեն և արտաքոյ կարգի խիստ մեծ գումար մը կը պահանջեն և եթէ գիւղացին նորանոր պարտքերով յաջողի վճարել, գիւղին նախիրը կը տանեն, կառավարութեան կենտրոնը և չնչին գնով մը կը վաճառեն: Այսպիսի պարագաներուն, ոստիկաններն ալ ցածր պայմաններով դրամ կուտան ժողովուրդէն 10-15 դուրուշ քիլէ ցորեանը, կամ ոչխար մը, տաւար մը կառնեն չնչին արժէքով, այս եղանակու քանինիր դրամատէր դարձած են: Ամբողջ տարին այսպէս կշարունակուի, հարկահաւաքումը և դարձեալ վերջ չգայ: Շատ անգամ եղած է որ միևնույն գիւղին մէջ քանի մը տեսակ հարկահաւաքներ գտնուած են, մէկն աշարի, միւսն ոչխարի տուրք կուզէ, մին գինուրական, մէկ ալ հողային տուրք, մէկը էմլաք, միւսը խճուղիաց շինութեան անունով տուրք կուզէ, միևնույն ատեն կը տեսնի որ ոմանք ալ հէվալէ⁷ մը ձեռքներին այս ինչ կամ այն ինչ պաշտօնէի ամսականի անունով գանձումներ կրնեն, ալ կրնայ մակագերուիլ թէ այսպէսի պարագաներուն թշուառ ժողովուրդը ինչ հոգեկան տագնապներ կանցունէ, հազար անգամ աւելի կուզէ մեռնել, քան այսպէս ամեն օր չարչարուիլ, անպատուիլ:

⁴ Բառն անհասկանալի է:

⁵ Պէքճի (թրք. bekçi)-պահակ:

⁶ Վէր, սօրմա (թրք. Ver, sorma)-տու՛ր, մի հարցրու:

⁷ Հէվալէ (թրք. havale)-դրամահաւաքութեան վկայական:

5. Անասուններ, հաշուառած միջոցին գործուած գեղծումներ

Մինչև նախորդ տարին միայն ոչխարներէն տուրք կառնուիր, աղնամ⁸ անունով տուրք մ է, որ աւելացել է եզի, գոմէշի, կովի, գրաստի և այլն անունայ տուրքն ալ: Ոչխար, տաւար համարող պաշտօնիայն այն որոշուածին պէս կը հաւաքէ իր ճորտերն և 50-80 հոգինոց խումբով մը գիւղերը կելնէ, ուտեստն ու պէտքեր արդէն ճրի են, դրամով առնել դա տարօրինակ է, գիւղ մը հասնելուն վեր ի վերոյ հաշիւ մը կընէ եթէ իրեն և հետնորդներուն կաշառք տրուեցաւ, քօջանները⁹ կը լիցնէ և կերթայ: Հակառակ պարագային կրկնապատիկ կը նշանակէ ոչխարին թիւը, եղած բողոքները միշտ անլսելի կմնան, զի ոչխարի պաշտօնիայն պաշտպանեալ կամ ազգականն է այս ինչ կամ այն ինչ կառավարական պաշտոնէից: Ասոր ետևէն կը հասնի քննիչ պաշտօնիայն (թահգիգաթ) կաշառքի բաժին մ ալ ասիկա կ'ստանայ և քանի մ ալ Ֆերար, այսինքն պահուած ոչխար, տաւար նշանակելով կանցնի բան չունի թող երդում ընէ, աղաչէ, թէ իր ոչխարաց, տաւարաց թիւը այնքան չէ, աւելի գրած է. այս պաշտօնեայք իրենց հաշուեգործներն կառավարութեան տանելէ յետոյ հարկահաւաքներ կելնեն և տուրքը կը գանձեն:

6. Տասնորդան տրոց վաճառման և միւլթեզիմի գեղծումներ

Տասնորդական տուրքը աճուրդով կը վաճառուի և զայն գնողներն, որոնք ընդհանրապէս թուրք երևելիներ և քիւրտ պէյեր կը լինեն միւլթեզիմ կըսուին: Կառավարական կենտրոնին մէջ գիւղերը կը ծախուին մունետիկներու միջոցով: Եթէ ո և է գիւղի մը բնակիչներն համարձակեն գիւղի աշարն առնելու, միւլթեզիմներն անմիջապէս խոսքը մէկ կընեն և այնքան կը բարձրացնեն արժեքը, որ գիւղացին կը պարտավորի տեղի տալ կամ արժեքէն անհամեմատ բարձր գնովն իւրացնել: Միւլթեզիմ գիւղի մը աշարն առնելէ ետքը այլևս ինքզինքը նույն գիւղի հողէն, ջրէն և բնակչութեան տէրն կը համարի և ամէն տեսակ գեղծումներ կը գործէ, զի վատահ է, թէ իր ազգականք, որ կառավարական պաշտօնեաներ են, ամէն պարագայի մէջ զինք պիտի պաշտպանեն մանաւանդ որ հակառակողը կրնայ Ֆէտայի անունով մկրտել և լռեցնել: Ամբողջ վեց ամիս Միւլթեզիմ մը առած գիւղը կը մնայ, իր ճորտերով, ծառաներով ու ձիերով հոն ճրիապէս կը վայելէ ամէն ինչ, բնակարան, անկողին, ծառայ, ուտելիք իրենց և ձիերուն, վառելիք ճրագլուս և ամէն ինչ գիւղէն կը տրուին: Կապերն ըստ օրենի փոխանակ ուրթն

մէկ չափելու (թեպէտ անունը տասնորդ է) այնպէս մը կը չափէ, որ կէս առ կէս կը նստեցնէ. Այլ և այլ անունով իրեն և հետնորդներուն առանձին առանձին բաժիններ ստանալով բերքերը կամբարի գիւղէն մէջ և վերջէ ի վերջոյ զանոնք ալ գիւղացիներու անասուններով ճրի փոխադրել կուտայ մինչև Մուշ կամ իր տունը ուր որ է: Գիւղացին ցորեանը յարտէն գատելուն պէս միւլթեզիմը անմիջապէս ցորեանի շեղջը թուճ ըսած փայտէ դրօշմով կը դրօշմի և այնպէս օրերով առանց չափելու կը թողու մինչև որ իր առաջարկը ընդունել տայ, յետոյ կը չափէ, իսկ եթէ գիւղացին չգիջանի իր առաջարկին, կը թշնամանայ անոր հետ և խեղճին ցորեանը կը թողու կալին մէջ անձրևին տակ, մինչև որ գիշեր մը ինքը կամ իր ընկերները յաջողեն դրօշմը եղծել, այն պարագային խեղճ գիւղացին ամբողջ ցորեանը իրեն տայ ալ դարձեալ չազատեր ձեռքէն: Եթէ գիւղացին բանջար, ընդդէմ մշակած է կամ այգի ունի, անոնց աշարն ալ, հակառակ օրինաց, այնքան բարձր կը նշանակեն, որ ամբողջ արդյունքէն աւելի առաջ կուգայ, այս պատճառաւ գիւղացին յաջորդ տարին այլևս չմշակել արդ կարգի բաներ: Ծիշտ միւլթեզիմներու երեսէն բամբակի, շերամի, բրնձի և բաներու մշակութիւնը ետ մնացած է: Միւլթեզիմ գիւղին մը մէջ ոտքի կառնուն հաստատելու ինքը, կօգտուի անոր նեղ վիճակէն, անոր ծանր պայմաններով դրամ փոխ կուտայ, կամ միքիպայ¹⁰ կընէ և կամաց կամաց կը տիրանայ անոր հողին և եղած չեղածը ձեռքէն կառնէ: Այսուհետև իսկապէս իրեն կը պատկանէ գեղանի հարսը կամ աղջիկը: Հակառակողը իբրև Ֆէտայի, քաղաքական յանցաւոր կամբաստանուի և բանտ կը դրուի: Վերջապէս հարկահաւաքներուն նման միւլթեզիմն ալ պատուհասն եղած է երկրագործ դասին և ասոր ոսկորի ծուծն ալ քամեր է:

7. Օսմանեան օրէնքներն ու դատարանները

Արդարև ըսելիք չկայ օսմանեան օրէնքներու արդարութեան, բայց քանի որ չեն գործադրուիր, գոյութիւն չունեն մեզ համար, ծալլուած մէկ կողմ դրուած են, եթէ խնդիրն հայուն համար է, կառավարական պաշտօնեայք գեղծումներով շաղախուած կաշառակերութեամբ կը վճարեն ո և է դատ մը, դատարաններու մէջ իսլամին և քրիստոնէին մէկ աչքով չնայուիր. հակառակ օրինաց տրամադրութեան, որ խնդիր չկներ ցեղի, կրօնքի, աղքատի և հարուստի միջև:

8. Վաճառականութեան դադրիլը

Տասը տարիներէ ի վեր է որ հայաբնակ գաւառները պաշարման մէջ են, երթևեկութիւնք ընդհատուած են քաղաքէ քաղաք, ոչ ոք կրնայ Պօլիս կամ արտասահման երթալ առուտուրի կամ աշխատանքի համար: Ժողովրդեան

⁸ Աղնամ (թրք. Ağnam vergisi)-Մամը եղջերավոր անասունի հարկ:

⁹ Բոչան (թրք. boçan)-վկայական:

¹⁰ Անընթեռնելի:

աղքատության և տնտեսապես ինկնալույն գլխաւոր մի պատճառն ալ վաճառականութեան և յարաբերութեանց արգելքներն են:

9. Պանդուխտներ

Կ. Պօլիս կամ ուրիշ քաղաքներ և արտասահման գտնուած բազմաթիւ պանդուխտները այս քանի տարուան միջոցներուն տրուած արգելքներու պատճառով չեն կարող վերադառնալ իրենց ծննդավայրը, որով ասոնք իրենց գտնուած օտար երկիրներու մէջ և իրենց ընտանիքներն ալ գիւղերուն մէջ կը ջքանան:

10. Առանձնաշնորհմունք

Եկեղեցական, տոհմային, լեզուային առանձնաշնորհումներ ունեցած ենք դարերէ հետէ որոնց շնորհիւ կարողացած ենք պահել մեր ազգային գոյությունը, սակայն, այդ առանձնաշնորհումներն մէկիկ մէկիկ կը բարձուին: Մեր տարևոր վանքեր, մենաստնները, մատուռները կը քանդուին կամ կը ջքանան, ի հնուց անդի սահմանուած և նուիրագործուած թեմական և ուխտաւորական հասոյթներու հաւաքման արգելումով: Առաջնորդներ, վանահայերեր կամ փոխանորդները, որոնք ներկայացուցիչներ են ժողովրդական, իրենց հեղինակութիւնն ու ձայնը չունին կառավարութեանց մոտ, ձեւական դարձեր է անոնց ներկայութիւնը և միմիայն կառաւարութեան պետքի համար կը փնտռուին: Մեր վարժարանաց մէջ տոհմային ուսումն և սահմանափակ և ազատ կրկնութեան չտրուի իր ուսանող մանուկներուն:

11. Դավանափոխութիւն և առևանգութիւն

Բռնության, աղքատության և պանդխտության պատճառով ամեն տարի շատ մը կույս աղջիկներ և կիներ կառևանգուին և կը թրքանան, այդ առթիւ առաջարկներու կամ փոխանորդներու օրինական միամտութիւնը կամ դիմումը միշտ ապարդիւն մնացած է և օրինաց գործադրությունը բռնութեան տեղի տուած է:

12. Զիւրտ աշիւթներ

Այս կիսավայրենի ցեղերուն բարբարոսական արարքներն արդէն մանրածանրեն, երկրի ամենավտանգավոր տարրերն համարուած են միշտ: Կորուստ, կողոպուտ, յափշտակութիւն, սպանութիւն անոնց սովորական արհեստն եղած է սկզբէն ի վեր և հայր ո՛չ մի ժամանակ կրցած է հանգիստ վայելել ասոնց երեսին: Հիմայ ալ ատոնց մի մասը կանոնաւոր զէնքերեւ զինեալ հեծելազունդ մը կը կազմէ և արձակ համարձակ ամեն չարագործություն կընէ:

13. Տարապարհակ աշխատութիւնք

Մզկիթներու, հասարակաց շէնքերու շինութեանց, զինուորական փոխադրութեանց և ուրիշ ծառայութեանց համար հայերն իրենց գրաստներով ու անասուններով միշտ ստրկաբար գործածուած են ասոնց փոխարինութեան և այդ մատուցած ծառայութիւններն

վարձատրուած են յուտանքներով, հայիոյութիւններով և ծեծով:

14. Քաղաքական յանցաւորներ

Այս անուան ներքև կը դատապարտուեն այն ամէն հայեր որոնք կը համարձակեն արդարութիւն և իրաւունք պաշտպանելու ելնել և երկրին մէջ գործուած զեղծումներուն դէմ բողոքել, շատերն ալ ձրիապէս զրպարտուած են, ոստիկան մը միւլթեզիմ մը պաշտօնի և աստիճանի թեկնածու մը կրնայ յերիւրանքի մը ստեղծել և հայն իբրև յեղափոխական կամ քաղաքական յանցաւոր ամբաստանել տալ, ենթակայն բան գործ չունի, թող արդարացնի զինքը: Դրամն ու միմայն դրամն է իր փրկութեան միջոցը, եթէ առատ կրցավ տալ կաշառք, հակառակ պարագային կենթարկուի բանտային տանջանքներուն: Այս կերպով քանի քանի ընտանիքներ փճացան ու փճանալու վրա են:

15. Բանտերու վիճակը

Թուրքիոյ բանտերը մէկ մէկ սպանդարաններ են քաղաքական յանցանքով ամբաստանուած հայուն համար, տրուած տեսակ տեսակ տանջանքները աննկարագրելի են: Ծեծ, անողորութիւն, հրաշէկ երկաթներով մարմին խարելը, ատամներ քաշել, ընչացք փետտել, կոյանոցներու մէջ գլխիվայր կախել, գիւրաններու մէջ մարմինը պրկել, մաշիլ և այլն սովորական են: Դժբաղտ ենթակայք ասոնց չկրնալով դիմանալ շատ անգամ մեռած են, շատերն ալ մեռնելէ ազատելու համար իրենց նման անմեղ մը բերան տալու յուսահատ միջոցին դիմած են արդարութեան ու բանտային պաշտոնէից նոր որս մ ավելցնելով:

16. Բռնի կամ կեղծ հանրագրութիւնք:

Մեծ պետութեանց կնքած Պերլինի դաշնագրի 61-րդ յօդուածին տրամադրութեանց հակառակ հայերու նկատմամբ ի գործ դրուած վերոյիշեալ հարստահարութիւնք և ոճիրներ սքողելու կամ ստելու համար տեղական կառաւարութիւնք կը փութան անմիջապէս կեղծ հանրագրութիւններ կամ գոհունակութեան գրեր պատրաստել և ստորագարել տալ պաշտօնական մարմիններուն և երևելիներուն ճնշումի ու բռնութեան ներքո և ներկայացնել ուր որ անկէ և սպա հրատարակել թէ՛ «երկիրը խաղաղ և անդորր է» (Մուսայիլ պէյ Զեմալ տըր) սովորական բանաձևը կրկնելով: Վայ ստորագրութիւն չդնող հայուն, ինչ աստիճանի ու դիրքի տեր ալ լինի, անոր գլխուն աներևակայելի պատիժներ ու փորձանքներ անպակաս են:

17. Չենք կրելու առանձնաշնորհում

Զիւրտեր ու թուրքեր կանոնաւոր թէ անկանոն գենք կրելու արտոնութիւն կը վայելեն, բայց հայ մը եթէ ո և է գենք իր քով ունենայ, երեք տարուան բանտարկութեան կը դատապարտուի, ասոր հետևանքն եղած է կենաց և

ընչից անապահովություն: Շնորհիվ այդ արտոնության քրտերը մի քանի տարի է որ սովորություն ըրած են իրենց վրեժխնդրության կամ ու է առթիվ թշնամության առարկայ եղող հայ գիւղին մօտերը հրացան արձակել և տարածայնել թէ այս գիւղին մէջ յեղափոխական կը գործուի: Մօտակայ քրտեր խառն բազմութեամբ կը յարձակեն նույն գիւղին վրայ, կը կողոպտեն և ամեն տեսակ բռնաբարություններ ի գործ կդնեն և գիւղը ամայանելէ յետոյ կը մեկնեն: Այսպէս ըրավ Շիպրանցի Մեջիթէն հեծելագորաց դասակարգին պատկանող Շէշօ անունով քիւրտը, որ ամսոյս 12-ին, իր հետևորդներով յարձակեցաւ Տէրքը անուն հայաբնակ գիւղին վրայ և հրացան արձակեց: Ասոր վրայ Ավրան գիւղը գտնուող կանոնաւոր զօրքը Տէրքը կը փութայ գտնուող օգնութեան: Շիշօն սակայն խաբած էր զիրինք, վասնզի յեղափոխական մը չտեսնուիր հոն: Այս անակնկալ յարձակման վրայ գիւղին բնակիչները իրենց անձը ազատելու համար ի փախուստ կը դիմեն: Շիշօն գիւղի բոլոր անասունները և գոյքերը կը կողոպտէ և վերջին տուներն ալ այրելով կը հեռանայ: Այսպէս քիւրտերը զինեալ և խուճը խուճը շարունակ դաշտերը կը պտտեն և իրենց հանդիպող հայը կսպանեն և երբ կառավարութիւն դիմում ըլլայ, յանցանքը յեղափոխութեան վրայ կը բարձուի: Ահա այս կերպով երթնելութիւնք, յարաբերութիւնք վտանգաւոր դարձած են և ամեն ինչ յեղափոխականին կը վերագրուին:

18. Կոտորածներ

Թրքութիւնը կարծես բաւական չհամարելով վերոհիշեալ հարստահարությունները, հետամուտ է միշտ բնաջինջ ընել հայն: Ասոր ապացոյց են 1894-ին Սասուն Տալուրիկի և 1895-ին բոլոր հայաբնակ գավառներու ընդհանուր կոտորածները, 1896-ին Ակնայ Թոքատի, Վանայ և մասնաւոր կոտորածները, 1900-ին Սասնոյ Չբաղանք գիւղի մոխիր դառնալը ձեռամբ հրամանատար Ալի փաշային, այս տարի ալ Սշոյ Յունան, Բերդակ, Սկրագոմ, Դրմիրտ և Տէրքը գիւղերն անբնակ ու աւերակ դարձած են, բոլորովին բնաջինջ եղող Սասուն-Տալուրիկի դժբախտ հայերուն հետ:

Մեր առած տեղեկութեանց նայելով հետևյալ պարագաներու տակ տեղի ունեցեր է Սասուն-Տալուրիկի այս վերջին կոտորածը:

Բաղշոյ կուսակալ Ֆերիտ պէյն և հրամանատար Սալիի փաշաներն իրենց հետ առնելով Բաղէշի և Մուշի հոգևոր պետերն և քաղաքական ժողովոյ աշխարհական անդամներն, ինչպէս նաև Ս. Հովհաննես վանքի Առաքել վարդապետն, վեց վաշտ (թոպոք) զօրքերով և վեց թնդանոթներով Սասուն կը բարձրանան անցեալ ապրիլ 10-ին այս կողմէն, ուրիշ յոթը վաշտ զօրքեր ալ զինուորական պատրաստութեամբ

եամբ Խարբերդէն և Տիգրանակերտէն կը հասնին և կը բարձրանան Սասուն, Տալուրիկի և Իշինձորի կողմէն, այն է Սասնոյ հարաւային գծով: Հետհետէ կուգան և կը պաշարեն Սասուն-Տալուրիկը, աստիէն ու անտիէն, այլևայլ քիւրտ բազմաթիւ ու կատաղի աշիրէթներ, որք ինչ Սօլախցի, Չքթեցի, Օմէրանցի, Խամարանցի, Պատրքանցի, Հվիտանցի, Խուլքեցի, Խիանցի, Բագրանցի, Շէխտուրանցի, Դոշքօթանցի, Սիլվանցի, Պշրեցի, Փնճնարգի, Հրթմանցի, Մօտրկցի, Մուսեցի, Սարմցի, Ջելայցի, Մալա-Շէկօ, Բորեցի (Հանի-Ֆէրօ ըսուած Չարագործին պատկանող, որ խաղաղութեան ատեն իսկ, հետզհետէ 50 հայեր սպանել տուած է դաշտին մէջ), Խուլքեցի (հոչակաւոր Մուսա պէկին պատկանող), Ալմանցի և Սէլրանցի ըսուած աշիրէթներն, Թել գիւղի Շէլիտըն իրենց խումբերով և Մուշ քաղաքի թուրք խումբանը ահագին բազմութեամբ:

Կառավարութիւնը երկու տարիէ ի վեր միջոցներ կը խորհեր Սասնոյ հայերը վար իջեցնել և անոնց տեղը քիւրտ ցեղեր կամ թուրք գաղթականներ լեցնել, բայց չէր յաջողեր: Այս տարի փոխանակ այդ միջոցին դիմելու, Սասունն իսպառ ջնջելու ծրագիրն յղացավ և գուցէ նկատելով որ քաղաքականութիւնն ալ իրեն նպաստաւոր է, տակաւին գարուն չբացուած ձեռնարկեց իր ծրագրի ահաւոր գործադրութիւն: Եւ որպէսզի Սասունը յանկարծակիի բերի, մէկ կողմէն յիշիալ Առաքել վարդապետ վեց ժամ պայմանաժամով պատուիրակ կը դրկէ Սասունցիներու մոտ հարկ եղած զթութիւններով, միւս կողմէն զօրքերը թնդանօթներով դեպի Սասունցիները կը յառաջանան, մինչ անոնք գրաւոր պատասխան խմբագրելու զբաղված կըլլան, որ այլևս կեսկատար կըմնայ և Առաքել վարդապետ հագիւիւագ ողջ Ֆերիտ պէյի մոտ կը հասնի: Թնդանօթները կորոտան, սոսկալի կոխ կսկսէ և կըտնէ մինչև երեկոյ, արդիւնքն երկուստեք անյայտ: Չօրաց յարձակումն, առանց Սասունցիներու պատասխանին սպասելու, ապացոյց է թէ Առաքել վարդապետի պատուիրակութիւնը պարզ ձևարկերպութիւն մ էր:

Ապրիլի 13-ին կուսակալ պէյի հրամանով մեր ետևէն եկող հարիւրապետի մը և քանի ոստիկաններու հետ վանքէն մեկնելով 14-ին լիւսը Ֆերիտ պէյի մոտ հասանք Ստեփան վարդապետին հետ: Քանի օր վերջը տեսնուեցավ, որ թնդանօթները կը զետեղէին Կրէ-քօլ ըսուած բլուրին առջև: Կուսակալն, հրամանատարն և սպայակույտին մի անդամը Ալայ պէյին հետ գնացին թնդանօթներու դիրքերը հետազօտել: Ապրիլի 21 և 22 լուսանալու գիշերը ժամը 7-ին ատենները, զինուորները շարժման մէջ դրուեցան, բոլոր աշարեթներու ձեռքը կանոնաւոր զենք տրուած էր, վեց վաշտ զօրքեր

թնդանօթներով և աշարեթներու ահագին բազմութեամբ դեռ արև չծագած, միահամուռ յարձակեցան նախ Չայ բլուրին և ապա Կրէքօյին վրայ և բաւական ատեն բուռն թնդանօթաձգութեամբ և հրանաձգութիւնէ մը ետքը տիրեցին բլուրին բարձունքներուն, ուրկէ սասունցիները տեղի տուած էին, այդ օրէն սկսեալ շարունակ թնդանօթներ որոտացին և սոսկալի կռիւր շարունակեցաւ գիշեր ցերեկ մինչև 23-րդ օրը: Նոյն քանակ յարձակումներ ալ միևնույն ատեն Տալուրիկի և Իշխնձորի կող մէն կըլլային սասունցիներու վրայ: Վերջապէս ապրիլի 23-ին սասունցիներ փախուստ կուտան, թնդանօթներու և զօրաց ու քիւրտ աշիրէթի անհամեմատ մեծ բազմութեան գնդակներու տեղատարափէն չտօկալով, ուստի իրենց վերջին ապաւենն եղող կէլի գիւղը կը գրառուի օսմ. զօրքերէն, ժողովուրդի պաշարով, ինչքերով ու գույքերով: Արդեն քանի օր յառաջ ալ գրառուած էր Իշխնձոր ըսուած գիւղը, որ Մասնոյ հարաւային անցքը փակող կիրճն համարուած էր: Այսպէս չորս կողմէն զօրքերն ու աշիրէթները կը մտնին Մասուն-Տալուրիկի մէջ և ջարդը կըսկսի մինչև մայիս 4: Ժողովուրդը կը փախչէ, բայց ամէն կողմ հրացանի գնդակի ու սուրի կը մատնուի, ականատեսէ մը հաւաստի աղբիւրներէ կը քաղենք խիստ սրտաճմլիկ անցքեր, ժողովրդեան այն մասը, որ կապաստանէ իրենց դրացի աշիրէթներուն, խաբուելով անոնց ստապատիր խոստումներէն, բոլորովին սրի կանցուին և կը նետուին Տալուրիկէն անցնող գետին մէջ: 12 տարեկան կույս աղջիկներու և գեղանի կիներու պատիւը կը բռնաբարեն և կառնանգեն: Այս պարագային է, որ հոս-հոն ապաստանող կանանց և մանր տղոց մի մասը կ'յաջողեն հետզհետէ Մուշ փախչել և մի մասն ալ կերթայ գիւղէն և կուսակալ պէլին անձնատուր կ'լլայ:

Տալուրիկի կոտորածն աւելի սաստիկ կը լինի, բոլոր մանր տղաներ ողջ ողջ գետը նետուած են, քիւրտները խաբեութեամբ կամուրջը նորոգել կուտան տալուրիկցիներուն և վերջիններուն երդում կընեն չը վնասել իրենց կանանց ու զաւակաց և կը խոստանան իրենց բոլոր անասուններն ալ պահել և յետոյ իրենց վերադարձնել: Տալուրիկցիք կը հաւատան, իրենց կանայք և մանր զաւակները և անասունները կամուրջէն անդին կանցնեն, քիւրտները կը դրժեն իրենց երդման, անասունները կը գրաւեն, և ընտանիքները կը կոտորեն, և գետը կը նետեն: Անտոք լեռան աջ բազուկին մը կուշտը քարաժայռի մը տակ գտնուած են 12 տղայոց դիակներ՝ անօրէն քրդոց զոհ եղած: Բայց ատոնցմէ միայն կոկորդը կտրուած չիներուն, տակաւին ողջ եղերէ և կրցերէ պատասխանել անցորդի մը հարցման, թէ «որու՞ տղան իս» -

Կարապետին, «ո՞ր գիւղէն ես»,-չը կրնար պատասխանել և հոգին կաւանդէ:

Քանի մը քայլ անդին նույն անցորդը կը հանդիպի հայու մը և կնօջ մը դիակներուն, առաջինը վառօդով նետուած և միւսը յօյօղ եղած: Մասունցի իգական սեռը իր պատիւէն խիստ նախանձախնդիր է: Ասոր փորձը ցույց տուած էր առաջին կոտորածի ժամանակը, այս անգամ ալ, երբ խումբ մը կանայք ու աղջիկներ յանկարծ կը պատահեն զօրքերուն ու աշիրէթներուն, իրենց պատիւը պահելու համար կը նետուին յորձանուտ գետին ալիքներու գիրկը և կը մեռնեն դիւցազնաբար: Մայիսի 4-րդ օրը տեղի կունենայ այն սոսկալի ջարդը, որ ամենէն աղետալին և արիւնահեղ կըլլայ, ծրագիրն այսպէս կը կազմուի: Անտօքի կոտորածներէն սկսեալ 6 ժամ երկայնութեամբ և 4 ժամ լայնութեամբ զինուորական պաշարման շրջայ մը կը կազմուի և վերոյիշեալ աշիրէթներու բազմութեամբ: Այդ շրջան հետզհետէ ամփոփելով որսը բռնելու ու չփախցնելու ճարպիկութեամբ մը ամէն ծակ ու ծուկ խուզարկելու համար ամէն անոնք ըլլայ մարդ, կին, երեխայ, որ ձեռք կանցնի, անխնայ կկոտորեն, զաւառը ամայի ու անապատ կը դարձունին: Բարբարոսական կարգադրութեամբ մը թնդանօթը ամեն կողմեր կըպտտցնին և ուր որ հալածական ժողովրդի խումբ մը տեսնուի, ռումբերու տարափներով կը ջնջուի:

Ահա ցանկը Մասնոյ կոտորածին հետևանքով աւերակ եղած գիւղերուն. 1. Կրիէկուզան իր ութը թաղերով, 2. Իշխնձոր, 3. Արտկունք, 4. Հեղին, 5. Ընկուզնակ, 6. Սևիթ, 7. Մէզրէն, 8. Հըլօյինք, 9. Տալուրիկ, 10. Դուալինք, 11. Հագմանք, 12. Արտիու, 13. Քօրախու, 14. Վերին գիւղը, 15. Խուլիովիտ, 16. Փուրի, 17. Հօսնուտ, 18. Յարդի, 19. Չբաղանք, 20. Չորեր, 21. Եղկարդ, 22. Քարավանք, 23. Քրդամանք, 24. Խոճոճվանք, 25. Խըտան, 26. Աղբի, 27. Հիթենք, 28. Կերմա, 29. Քօփ, 30. Գեղուշէն, 31. Շուշնամերկ, 32. Սէմալ, 33. Շէնք, 34. Կրլիէ Կընըման, 35. Կրլիէ մըսուր, 36. Երիցանկ, 37. Տափըկ, 38. Ալիանցիկ: Գիւղեր կան որ բնակիչներու մէկ աննշան մասը միայն կրցած է ազատուիլ հալածական, վիրաւոր, հիւանդագին Մուշ հասնելով: Գիւղեր ալ կան, որոնց բնակիչներու զոյութեան վրայ բնաւ տեղեկութիւններ չկան: Բազմաթիւ ընտանիքներ ու գերդաստաններ կան, որ բոլորովին ջնջուած են և նմուշ մը իսկ չէ կրցած խալըսիլ ո՛չ կին, և ո՛չ այր, և ո՛չ տղայ: Ամենէն աւելի երկարատև և զարիւրելի ջարդին ենթակայ եղածն է Տալուրիկի և անոր շրջակայ գիւղերու դժբաղտ ժողովուրդը, որ ամէն կողմէ պաշարուած և փախուստի ամէն ճամբաններէ զրկուած ըլլալով, թէ՛ զինուորներու, և թէ՛ քիւրտերու կողմէ խժոժաբար ջարդուած են ու մարմինները յօշոտուելով գետին մէջ թափուած: Շատեր, որ կեանքերնին ազատելու համար

զանազան տեղեր թագստոցներ մտածելին, օրերով անօթի և անսնունդ տառապելին, իրենց սնունդ եղած է մէկ մէկ ափ կորելի ալիւր, որ, սակայն, շուտով սպառած և անկէ վերջ, երբ անօթութիւնը դուրս բերած է գիրենք թագստոցներէն, մատնուած են իսլամական սրին ու կրակին: Ինչպէս ցաւօք կը տեսնուի, թուրք կառավարութիւնը գոհ չէրաւ միայն Սասունք փճացումով, հիմայ իւր անողոք ուշադրութիւնն սկսած է Մշոյ դաշտին վրայ, ուր փոխադրուցեան արիւնահեղութեան և աւերութեան թատրը, որպէսզի մեր գոյութեան ամենէն անդարմանելի հարուածը յաջողի տալ: Այսքան արագ և անագուրույն փճացումի դէմ, եթէ եւրոպայի մարդ ասէր ու բարեկարգիչ ձեռքը չերկարէ մեզի, արդարո՞ ինքզինքնիս կորած պետքէ համարենք:

Հակառակ այն չարախոսութեան, որով կամբաստանեն զմեզ թուրք իշխանութիւններ, ըսելով, թէ հայերը անկախ ըլլալ կը ձգտուին, բացարձակապէս կրնանք յայտարարել, թէ մեր ժողովուրդը իւր գոյութեան իրաւունքը պաշտպանելու համար միայն կանոնավոր և ապահով բարեկարգութեանց կարօտ կզգայ զինքը, առանց որոյ հայուն համար կեանք չկայ: Այս անհրաժեշտ բարենորոգումներին՝ բարեփոխումն տուրքերու արդի ճնշող դրութեան, ջնջումն տասնորդական և զինուորական տուրքերու, վերջինի փոխարեն միլիցիայի հաստատութիւն, գիւղերը պահպանել բաւարար և զօրաւոր պահապաններով, և միւս կողմէ զինաթափ ընել ոչ զինուորական իսլամ տարրերն, մանաւանդ համիտիէ ըսած քիւրտերը, վերադարձում հողային ամէն տեսակ կալուածներու, որ քանի գրառուած են հայերէ, դատարանական ճշմարիտ բարենորոգումներ, անցազիր և տեղափոխութեան արտոնութեան

վերադարձ հայ գաղթականներու և պանդուխտներու, ազատութիւն բոլոր քաղաքական յանցանքով բռնուածներու և պատասխանատու ընդհանուր հսկողի մը անուանումն հայոց բնակած գաւառներու համար՝ եւրոպական պետութեանց հսկողութեան ներքո: Այլևս առանց այս կերպ բարեկարգութեան մը անկարելի է, որ հայ ժողովուրդը կարենայ ապրել և շարունակել իւր տառապեալ գոյությունը:

Վսեմ Տէր, այս պարզ ու համեստ խընդրանքները դարման բերին մեր ընդհանուր հարստահարութեանց և կոտորածներուն, եթէ տակաւին յապաղեն անոնց գործադրութեամբ հայերու վրայ ի գործ դրուած ազգասպան ծրագրին հետևանքով, քիչ ատենէն հայր պատմական ազգերու շարքը պիտի դասուի, ուստի մարդասէրն Եւրոպայի գթութիւնը կը հայցենք:

Օգտագործված գրականության ցանկ

1. **Փափագայան Ա.**, Ոչ թուրք ազգերի իրավագուրկ վիճակը Օսմանյան կայսրությունում և թանգիմաթը: // «Արևելագիտության հարցեր»: - Երևան, 1983, պրակ. 1-2
2. **Սրվանձտեանց Գ.**, Թորոս Աղբար, մասն Ա: - Կ. Պոլիս, 1879
3. Հայերի ցեղասպանությունը ըստ երիտթուրքերի դատավարության փաստաթղթերի, Ա. Փափագայանի խմբագրությամբ: - Ե, 1988
4. **Հակոբյան Թ., Մելիք-Բախչյան Ստ., Բարսեղյան Հ.**, Հայաստանի և հարակից շրջանների տեղանունների բառարան: Հ. 3: - Եր., 1991
5. Հայաստանի ազգային արխիվ (այսուհետև՝ ՀԱԱ), ֆ. 412, ց. 1, գ. 1857

Сдана/Հանձնվել է՝ 14.07.2020

Рецензирована/Գրախոսվել է՝ 18.07.2020

Принята/Ընդունվել է՝ 20.07.2020